



Inatsisartunut ilaasortaq Justus Hansen
Demokraatit
/ Maani

**Illumik pisinermut atatillugu illup qanoq innerata misissorlugu
nalilerneqartalernissaa pillugu § 37 naapertorlugu apeqqutigisamut akissut**

Brevdato: 10-01-2017
Sags nr. 2017-434
Dok. nr. 16159252

Illumik pisinermut atatillugu illup qanoq innerata misissorlugu nalilerneqartalernissaa il.il.
2016-imi Upernaakkut Ataatsimiinnermi immikkoortoq 51-ip suliarineranut atatillugu
Inatsisartut Naalakkersuisunut suliareqqusaat sumut killinera pillugu apeqqutinut
nassiunneqartunut qujanaq.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Inatsisartut aalajangigaasa suliarisarnissaat Naalakkersuisut assut pingaartippaat.
Taamaammatt Naalakkersuisut suliaq aallartissimavaat Inatsisartullu allakkatigut ulloq
29. december 2016 ilisimatissimallugit nalunaajaatip suliarinera kinguartoorsimammat
Naalakkersuisut pissutsit amerlanerusut attuumassuteqarsinnaasut
misissorusukkamikikkik.

Isumaga naapertorlugu apeqqutigisatit allakkani 29. december 2016 nassiunneqartuni
akineqarsimasoraakka, taamaattumillu allakkat assilinerat Inatsisartunukartut
ilangullugit nassiuppakka, taamalu apeqqutigisatit akisimallugit neriuutigalugu.

Inussiarnersumik inuulluaqqusillunga

Martha Lund Olsen

Ilangussaq:
Inatsisartunut allakkat Illunik mississuisarneq pillugu aaqqissuussinermut
misilittakkanullu nassuiaat



Inatsisartut Siulittaasoqarfiannut
kiisalu Inatsisartuni ilaasortanut

Illunik misissuisarneq pillugu aqqissuussinermut misilittakkanullu nassuiaat kinguaattoorpoq

Brevdato: 29.12.2016

Sags nr.2016-15285

Dok. Nr. 15757189

Asasakka Inatsisartuni ilaasortat

Postboks 909

3900 Nuuk

Tlf.: (+299) 34 50 00

E-mail: box909@nanaoq.gl

www.naalakkersuisut.gl

UPA 2016/51-ip siullermeerneqarneranut atatillugu pigisanik aalaakkaasunik niueruteqarnermut atatillugu pigisat qanoq issusiinut nalunaarusiortarnissap inatsisitigut piumasaqaatit atuuksinneqalernerani iluaqtissat ajoqtissallu, kiisalu aningaasaqarnermut sunniutissat nassuiaasioqqullugit misissuiffiqeqqullugillu Inatsisartut Naalakkersuisunut peqqusipput.

Tamatuma saniatigut misissuinermi piginnittut nikinneranni illut nukissiuutinik atuinerinik nalunaaqutsersuisarnissamut piumasaqaatip atuutlerneratigut iluaqtissat ajoqtissallu paasinierneqartussaapput. Kiisalu sillimmasiisarfiit piginnittut nikinnerannut taamatut sillimmasiisarnermut suleqataassagunik piumasaqaataat kissaataallu suunersut naliliiffiqineqassasoq kissaatigineqarpoq. Misissuineq 1. januar 2017 nallertinnagu Inatsisartunut agguanneqartussaavoq.

Tamanna tunngavigalugu Kommuninut, Nunaqarfinnut, Isorliunerusunut, Attaveqatigiinnermut Ineqarnermullu Naalakkersuisoqarfik "Illunik misissuisarneq pillugu aqqissuussinermut misilittakkanullu nassuiaat" 1. januar 2017-imi agguanneqarnissaa siunertaralugu suliaralugu aallartippaa. Tassalu maannarpiaq nassuiaammut missingiut piareersimavoq.

Inatsisartunut ilisimatitsissutitut nalunaarutigissavara, Illunik misissuisarneq pillugu aqqissuussinermut misilittakkanullu nassuiaatip kinguaattoornera, taamaattumillu nassuiaatip 1. Januar 2017 nallertinnagu agguannissaanut Naalakkersuisut angumerisinnaangikkaat Naalakkersuisunit tusaatissatut tiguneqarmat.

Nassuiaammut missingiut piareertoq danskit tamanna pillugu inatsisaannut, kiisalu tamatumani misilittagaannut naatsumik nassuiaatitaqarpoq, kiisalu aqqissuussinerup taamaattup iluaqtaasumik Kalaallit Nunaannut atuuksinneqalersinnaaneranut naliliinermik imaqarluni.


Kisiannili danskit aqqissuussinerisa nunatsinni illunik niueruteqarnermi pissutsinut asersuunneqarnerini paasinarsivoq, suliaasaqarfiit marluusut taakku assigiinngitsorujus-suusut, pingaartumik ukiumut tunisat eqqarsaatigalugit, kisiannili aamma nunami pissutsit sullissinernik qanoq ittunik atuisinnaanermit nunatsinnilu neqerooruteqarsinnaaner-mut aalajangiisuusartut.

Tassalu nassuiaammi takutinneqarpoq, aqqissuussineq danskit aqqissuussinerat aallaavigalugu atuutsinneqalissappat ajoqtissat iluaqtissanit amerlanerusut, naak aqqissuussineq soorunami kalaallit pissusaannut naleqqussarneqarsinnaagaluartoq.

Kisiannili Danmarkip avataani aqqissuussinerit assingunik assingusunilluunniit misissuinissaq pingaaruteqartutut naliliiffigineqarpoq. Illunik niuruteqarnermi niuerfinni pissutsit eqqarsaatigalugit, pissutsinik nutatsinni pissutsinut assingusunik, soorlu Islandimi Savalimmiunilu peqarnera nunamik allamik toqqaanissamut aalajangiinermi aallaavigineqarpoq.

Nassuiaatip 2017-imi upernaakkut ataatsimiinnissaq sioqqullugu agguanneqarsinnaanissaa naatsorsuutigineqarpoq.

Inussiarnersumik inuulluaqqusillunga

A handwritten signature in black ink, reading "Martha Lund Olsen". The signature is written in a cursive, flowing style.

Martha Lund Olsen